

芳洲文集續編

殿閣芳洲陳先生續集序
承燦蓋守吉矣吉故老述
芳洲先生之遺事甚悉且
得誦其遺集亦甚詳而因
嘆魏公忠臣與良臣之說
也夫忠良寧有兩哉其境

變而能矢一心者豈其境
常而懷二念者乎蓋康莊
之雅步與九折之崎嶇途
則異而非遵途者之有異
也余觀芳洲先生柄政之
時當

萬乘北狩

九廟震驚群情惟擾此其時為
屯屯則有經綸之義才可
竭猷可展而心亦可以明
白顯著於天下及

南內之扃塵封

東宮之席再撤此其時為睽睽
則即欲遇主于巷而睽孤
之地兆端見矣茹荼而忍
痛公豈能以喻諸人哉至
於

翠幄朝臨

青宮夕啟宇宙重開萬方胥悅
此其時為萁萁則公雖抱
有孚之誠而水火相息其
如徐石何惟有東行以謝
修郅者而已夫輔不已而
帝者勢也帝則操衆以成

獨而復操獨以制衆主勢
尊於上而主術行於下即
三事大臣其能以相抗而
成兩持者乎猶之舟然托
於水駛于風而挽回旋轉
于橈纜舵楫之用故責舟

師之出沒於波濤而操縱
于遲速長年三老之所能
也若身寄於舟而禁其不
與舟而俱移雖至巧不能
彼持局外之論者不過曰
曷不為李文靖之引燭焚

三才圖會
卷之四
四
詔耳不知公當代言之時
如所謂奉

皇后于仁壽以俟

大兄鑾輿之復進

皇太子母為貴妃示重天下之
本則公之遠識先機其捧

日之心寧待虞淵之夜耀
而補天之手豈煩煉石而
後圖哉且大臣之體批龍
領而撓鱗易履虎尾而不
咥難遊羿穀而捐一身易
處危機而全上下難然則

公固獨為其難者而終不
能以所難之故自剖其心
則直委於所遇之不幸矣
雖然博陸侯之忠于漢宣
者猶之漢昭也乃一以大
將軍為忠臣而一以為莽

刺之在背博陸之忠貞無
改而後先之時勢自移古
今一體曷足怪哉承燝嘗
恭讀

純皇帝之諭公也哀其死而憫
其忠式遵

先志厄于前而伸于後永愜人
心大哉

王言公固與蘇文忠所謂先帝
已知其枉朕心尤鑒其忠
者今古同符矣直道在人
清時尤甚寧有忠徹于

主知而猶湮沒于昭代者乎當
必有繼于忠肅而為公請
者余且藉此以徵世焉

山陰後學祁承燝頓首書

陳芳洲先生文集續編序

英廟當己巳秋親帥六師撻伐
猥稅權璫不戒遂至蒙塵
賴二三元老內固

國本外振國威虜擁

乘輿入犯至再數被創去乃乞

和送

天子還迎歸南宮踰六載復踐
帝祚佑啓

列聖永綏太平此曠古未有之
盛也維時秉鈞軸贊

密勿爲芳洲陳公初聞警言卽草

太后詔立

憲廟爲皇太子以郕王輔之進

于謙領本兵拔羅通守居

庸留石亨楊洪理京營引

商輅彭時入閣共事倉卒

詔諭續紛四馳安撫軍民協力

三才圖會卷之九
拒虜厥功偉矣逮虜薄城
下遣使問

上皇安飭諸將固守勿戰徧燒
馬坊積草以困虜密勅宣
大遼東各鎮選勁兵入衛
購有斬也先首獻者予萬

金爵公復僞爲喜寧書與
太監興安約誘也先入共
勦之虜得書疑喜寧會宣
遼兵亦至遂分道宵遁徐
有貞議南遷京師洵洵公
力爭黜有貞而人心帖然

此其功載在

實錄與商文毅略同世徒
重于忠肅功而置政本勿
論謂發蹤指示者何已立
景皇帝而

皇太子名分猶存自土官黃竑

以奪襲故倡爲易儲之說
內臣持以問公公曰無易
樹子在伯者且然而况堂
堂聖朝乎

帝不懌下禮部會議一時大小
九卿委曲徇

上意得兼宮坊銜者二十餘人
寧獨公咎也至請復

東宮廖莊鍾同繫獄歲餘而同
竟斃杖下公爲其鄉人能
無岌岌六七年間每於

經筵敷陳孝友啓沃良心雖群

臣請朝

上皇勿聽而嫌隙未萌請復

元良勿聽而保護未衰隱微之

地默默調劑蓋有外臣弗

及知者獨王文以寵倖後

進專擅威福公不能制多

爲所累文子與公子試京
闈不中適翰林考取譯字
生例應入錄而偶遺之因
糾論試官劉儼違制且去
取顛錯外有浮議

廷命多官校閱相臣子誠才

特許會試後文子登第至
大僚而公子竟不仕亦足
暴其心矣况公薦薛文清
可備館閣而文以不附已
下文清獄其品格易辨公

當

宣廟時嘗力救張楷陳祚得毋
以忠言蒙罪豈其晚節遽
至與文介忤也士論不察
槩以此短公毛舉纖細率
悠謬無實然公生平學行
爲三楊所重旣代文貞相

所薦文武材徃徃弘將相
之業而終不令人知大都
有功

社稷足爲相天下者法固未可
泯也今觀公續編尊

聖母皇太后及生母皇太后詔

中并進

皇太子母周氏爲貴妃示重天
下之本若逆知有黃竑之
說而豫防之者其卓識遠
慮乃爾向使郕王負宸行
周公之事如公初議

天命有在

上皇必歸何至有奪門之釁哉
憲廟鑒公苦心已准復爵

賜祭蔭一子入監讀書而謚尚

闕如茲公玄孫以躍爲兩

浙都轉運凡三上疏乞

恩比照于謙王文例請謚功與
謙同應謚過與文同亦應
謚矧功踰於謙而過不與
文並當事者必有定評矣
國朝館閣名臣闕謚者爲陶安
章濫解縉及公而四禮臣

旦暮當議

上公一片精忠此其昭雪時也
因序公續編而詳論之

賜進士第南京禮部精膳司郎
中安成後學曾鳳儀謹識

陳少保芳洲先生文集續編序

年家晚學生嚴堯日頓首敬撰并書簡端

宇宙間恒存不泯者精誠而已
矣精誠於幹國為忠貞於克家
為孝慈此皆可形外閱世者也
若夫履屯而忠貞至艱苦遘閔

而孝慈至歲殆則其所經摧踣
磨鍊精誠更有百折不回者造
物於虧盈乘除之際未必銖銖
而稱之縷縷而度之也迨事久
比絜仍復豪釐不爽尤足堅人
忠貞孝慈之本念以待夫命數

之自定芳洲先生蒙大難而定
國策評者皆等之于王之間當時
于王殊死而先生考終僉用為
先生幸比于王旋章而先生獨
晦晦且至百年又僉謂盈虧之
際低卬泰甚遂欲致疑於當日

之精誠至於今而其孫司霖大
夫闡發而光大之而鄉祀之典
始明請謚之議始定而先生文
集乃得全行于世其間岌殆之
故又有可得而言者蓋先生才
思泉湧筆景春和上代

絲綸下賁主禔無叩不應有懷必
吐篇籍之富幾於盈載既遠譴
釋歸家殖儉落亡從經厝紙費
稍一再傳遂不能糊其口而先
生生平手澤汙於雲散鳥沒矣
其幸留至大夫者則大夫祖母

龍孀居至九十餘薪膽畢世僅
寶先生遺艸一帙與

經筵黃麻一通貯為一篋護惜過
頭目大夫補弟子負冠有室乃
手相付以瞑也大天舉賢書十
餘年尚不克問梨棗及掌教閩

甌厯司理至郡守乃得以祿入
從事蓋已梓全集若東行百咏
矣而尚餘殘斷訛脫數十百首
末從補葺讎對者比董兩浙齟
政乃得從通都交游間稽視草
於秘簡訪酌贈於故家復梓之

為續編而先生之集始全嗚呼
大夫不生先生既沒矣孀婦不
老後死者不得與於斯文矣千
鈞一髮之際不第不實墜而且
增隆重豈非先生忠貞之隱念
足自堅永以開喆孫而大夫孝

慈之苦衷又厚自矢勵以聿光
乃祖所謂玉鑿而加瑩鏡磨而
愈光風雨之後月星倍朗者也
宇宙間一精誠而已矣故凡離
而終不可使復合毀而終不可
使復完晦而終不可使復章者

皆其精誠之未至也為國為家
者第自保其忠貞孝慈之質以
待天命之定而已皇問其它哉

崑

萬曆四十六年戊午春三月

西昌聚奎堂謹識

中經堂

陳芳洲先生傳有小引

孔子之作春秋也信以傳信疑以傳疑聖人
豈不欲盡傳其信第世遠事湮考信無據不
得已而傳疑而心滋戚矣然則世有真忠苦
節獨盟諸心而百信不勝一譌卒以蒙疑不
白者安忍不及時考信任其久湮無據也不
佞牧流覽經史凡屬可疑必搜討參訂質之

大方務求其信迺於陳芳洲先生蒙疑事竊
有感焉敢忘固陋據實而為之傳傳曰

先生姓陳氏名循字德遵號芳洲吉之泰和
人也王大父源可大父觀定父彥和俱以先
生貴累贈如先生官先生幼失怙恃與仲兄
德遜居倍篤友愛資特端穎十七游邑庠同
里楊文貞公士奇一見以遠大期之永樂甲
午中鄉試第一明年會試第二廷試第一授

翰林院脩撰累官光祿大夫少保戶部尚書
華蓋殿大學士兼文淵閣大學士應事

五朝凡四十餘年入則直廬出則扈駕以備顧
問預修

三朝實錄

寶訓及五經四書性理大全歷代名臣奏議歷
代臣鑒五倫書通鑑史記等書奉

勅撰大學進士題名記者三撰重修南京先聖

三才圖會
卷之八
廟學碑者一又奉撰

御製序說碑銘者九蓋先生文章妙天下更習
先朝典故故

國家大詔令大典冊多出其手奉

命典會試者一典應天鄉試者一廷試讀卷者
四受

命釋奠先師者七侍

經筵與楊士奇等日侍講讀改正講章入內閣

叅預機務茂著忠勤渥膺

寵眷以至

恩褒四世稱千載明良盛遇具載少師蕭尚約
公誌中不復贅惟是正統北狩至天順復辟
七八年間運遘陽九事勢兩難畢智竭忠撥
亂反正惟求濟國與君而身名弗恤有非庸
衆所能識者文獻猶足徵也正統十四年已

巳七月虜也先大舉犯邊

上銳意親征舉朝力沮不能止

駕發京師以先生與同官高穀尚書王直胡濙
輔

邲王居守八月

駕留虜廷十七日聞於京人情洶懼又明日有
言擁立

邲王者先生即颺言於衆曰

皇上為憫生靈安社稷而出皇天眷佑不久必

回今當立

皇太子正位東宮以

郕王輔之徐圖迎復豈容有他議遂密與中貴

金英言乞請

太后旨屬稿金英來云

殿下三位

長殿下今兩週三歲先生曰但生一日即是主

人隨草

懿旨進呈內有賢而且長之語頒行天下人心
稱快翼日先生進戶部尚書仍學士于謙為
兵部尚書繼薦商輅彭時同入閣數日之後
又聞虜寇欲犯京師加以徐有貞妄言曉天
象胡人當復倡議南遷人心惶惶舉朝思得
長君以弭禍亂遂請

太后以九月六日

郊王即皇帝位草詔頒行天下先生屬草謂立

新君不過繫天下心

大駕且歸定當還政復辟今須遙進正統尊號
使虜人知

皇上大於

新天子愈加尊敬故於詔中稱大兄皇帝為太
上皇帝而屬意可知已當有貞妄議時先生
叱云徐有貞近日說話失了本心胡濙曰

文皇帝定陵寢於此示子孫不拔計于謙曰欲

遷者奏斬為今之計遠召天下勤王兵以死
守之先生曰于尚書言是衆亦為之翕然中
外始有固志于是與金英興安等議謹護京
城又會集多官晝夜為防禦計不遺餘力因
出有貞操守彰德使不得惑衆中外稍安十
月也先率衆擁入紫荆關陽稱送

駕還京突至德勝門直欲犯闕喜寧嗾也先遣
使議和索大臣胡濙王直于謙出迎衆言虜

情譎詐不可信先生曰

大駕果來而不出迎中國皆叛臣矣所索大臣
不可往但遣使問安覘其虛實於是以前書
舍人王榮諳胡語副以給事中王復充卿貳
往朝

上皇

上皇諭曰彼無善意爾等宜急回二人方還而
虜復縱騎剽掠攻城愈急總兵石亨折舌厲

聲曰宰相不出計策莫能支矣先生不為動
獨曰是宜陞獎首將固城守慎勿輕戰蓋彼
我勝皆危道我勝固善柰何

駕在虜廷恐非全利彼勝則中外俱難保矣於
是加于謙少保餘官有差令各督軍背城而
陣又密令焚城外各馬坊積草以困之虜見
草火相視頓足大駭不數日馬果饑先生又
恐久則生變請檄致宣府大同永平遼東等

四方邊兵星馳入援又恐虜營道梗乃遣夜不收五人各賫一勅分投東北二路間道兼程前往以為但得一達事濟矣既而二勅得達其三為虜所截虜見勅始懼有退志十五日夜也先遁隨奉

上皇北去所召宣府總兵楊洪兵先至即令西追遁賊歲庚午景泰紀元正月虜入大同先

生懸示殊賞購殺也先喜寧二月宣府參將

楊俊擒喜寧檻送京師伏誅俊即洪子洪為
先生腹心故能使其子樹勲喜寧既誅虜失
嚮導

勅遣五將分鎮諸州建營立城以自固

國家神氣益張令彼虜無所乘以入犯迴鑾有
機此皆先生神筭與于公謙深相結納將相
調和共圖其成者也時

景皇欲尊生母吳氏為皇太后令訪前代故事

先生曰惟宋以生母宸妃李氏為皇太妃一事耳餘無可準者況今

皇太后受尊號在先自古尊無二上中貴以言不允必欲尊之乃加

皇太后為上聖皇太后 吳氏為皇太后

上皇在虜數遣使問安情義篤至所諭虜勅詞皆先生筆凜然有口舌代鈇鉞之意八月十

五日

上皇駕還先生聞中貴語將迎居南城嘆息曰
若然母乃欲群臣朝朔望而已乎

景皇聞之拒以危言蓋疑先生有向舊之意又
中貴問

上皇駕還當詔告天下否先生曰此誠天佑國
家曠古未聞豈特當布告更須肆赦以侈恩
慶又禮部數請令百官朝

南宮朔望不允先生語胡濙曰禮部職掌禮儀

是天下第一等大事雖不允不可不亟請但
兩宮嫌隙易生恐無所補而壞大事惟日加
儆懼而已歲壬申粵西土官黃竑希恩寵馳
奏請

景皇立己子為皇太子奏至不發令中貴以疏
意覘先生先生曰無易樹子霸者所禁堂堂
天朝得無啟萬世之譏乎

景皇怒曰父有天下傳之子自古未聞有譏者

命以奏示禮部會多官議既而衆議立見濟
為皇太子更封

皇太子為沂王一時遷擢踰等文武任師保傅
者二十有三人先生但以少保兼太子太傅
固辭不允易儲後御用左少監阮浪侍

上皇南宮得所賞鍍金梁扣綉茄袋鍍金結束
刀一把以畀侍者王堯堯飲緹騎盧忠家忠
見袋刀非常制遂以酒醉堯解之具告

南內謀復

皇儲託堯以袋刀賞忠求外應詔獄窮治不已
先生聞之與中貴言曰人臣念主或有此心
人情畏死必無此事况所指之人在此在彼
富貴等耳何苦棄安就危萬一事出誣罔寧
不害及忠良啟上下之危疑乎語聞遂止乃
集古帝王行事彙為一書名曰勤政要典上
進蓋潛寓規正之意歲癸酉

皇太子冠命胡濙高穀蕭鑑掌行冠禮賜白金
文綺頗侈旬月後

沂王冠命先生行禮賜止綺二端鈔二千貫蓋
以疇昔無易樹子之議故示之意也歲甲戌
皇太子見濟卒歲乙亥禮部郎章綸御史鍾同
大理寺少卿廖莊合疏請復

沂王於東宮詔獄鍛鍊備至當此之時先生惟
恐見疑生端壞事無益屢因天變疏乞罷歸

不允因采古昔人主善惡可為法戒者名曰
君鑑以備觀覽又率同官高穀蕭鑑商輅等
上疏勸敦孝友任舊德躬勤政戒侈用因及
禁掖慢遊事

景皇召入問曰卿等言禁掖事何自而知先生
曰得於都人之口伏惟

陛下有則改之宗社生靈之福也

景皇曰朕有固當改但君臣同體慎毋聽人言

離間自是不復召見矣歲丁丑正月

景皇不豫不能躬祀郊廟社稷十四日至不能
視朝先生與高穀蕭鑑商輅往語中貴興安
曰永樂中

大駕或二三日不能視朝則令百官赴東宮朝
叅啟事

祖宗舊例公所知也今事如此須請復立
東宮代視朝叅為便興安首肯曰此公等大臣

事安當贊成於內先生即與禮部侍郎鄒幹
姚夔等議集多官共為之比多官至議尚不
一先生請從者先署姓名從者遂衆明日章
上不允又明日先生復率百官上章必期得
請因章尾銜名數多書訖日晡不及上明旦
西鼓禮部主事俞欽進章至左掖門門官不
納而中外百官奉迎

聖駕重登寶位矣先生等皆稽顙致慶

上退御文華殿召先生與蕭鎡商輅諭以仍舊
辦事先生等皆頓首謝就令宣諭百官譔詔
改元天順是舉也先生初在外廷知

景皇病而不知其病篤惟石亨蒙宣至齋宮受
命代行禮聞狀又秘不言迨先生要亨入閣
會議請立

東宮亨遽止之但言少停慢說即退與徐有貞
密圖迎復有貞啻彰德舊隙遂力囑亨不令

先生知止約典內外兵柄者三四人及所親
厚武臣陰謀事覬恩寵有歸大阿在握初不
知有朝廷大體也有貞果挾迎

駕功日侍

上前氣焰薰赫與亨乘郤中人無不立碎既誣
少保于公謀立外藩致辟復以宿憾誣先生
與蕭商三人與謀并不能諫阻改立見濟事

脅臺省碑効類

上聖明原宥勿問當日先生聞班中偶語有石
徐分付饒十遭要彈十遭之言旬日內果彈
劾被逮謫戍而先生鐵嶺之命下矣先生東
行道中及謫居之日摘取古人詩句成絕名
曰東行百咏自丁丑至辛巳在戍凡五年徐
石黨逆事敗先生上章自明奉

旨特矜其誣害回籍壬午先生自成所還京上
表謝恩而歸抵家五閱月以疾終未幾被誣

者俱得雪贈謚恩卹有差而先生卹典未備
迨

憲廟踐祚先生仲嗣瑛及壻南工部郎李遇相
繼陳乞業蒙賜廕還秩遣官

諭祭瑛尋以中途病卒廕仍未補而易名之典
則至今訕焉先生曾孫以躍起家孝廉歷官
銅仁郡守上疏矢言其事蒙

旨發該部公道昭明有期近銅仁公擢轉運使

來駐吾浙而不佞牧烏程畸儒也偶值於湖
上一見懽然相與道先生往事甚悉并貽先
生年譜文集讀之不覺喟然嘆曰有是哉先
生之忠有是哉先生之忠而見疑也輒不自
量願一剖其疑第恨牧與先生地相去二千
餘里且吾生也晚相後又百五十餘年慮不
足以傳信因取年譜所載叅之天順日錄否
泰錄復辟錄于商二公傳吾學編憲章錄王

弇州別集諸書一一考究必詳必確而後屬
管今其行事具在言言實錄也庶足附春秋
傳信之義然不免當年之疑何哉蓋當其時
邊釁牆閭內外迭訐而先生以首揆獨履其
衝百責攸萃最難者其持危定傾之巨畧最
苦者其陰翊默護之隱衷巨畧人所共見而
隱衷人所難窺也故居守建儲付託本兵孰
主張是阻南遷嚴城守焚積芻召勤王兵孰

發縱是懸賞格折虜謀而喜寧擒也先遁孰
居中而籌畫是此其功昭日星疇不指為先
生明伐然念念迎

駕而孰知夫不急於迎

駕者乃所以善迎

駕也念念朝

南宮而孰知夫不固請朝

南宮者乃所以善安

南宮也念念計安

太子而孰知夫不強爭易

太子者乃所以善護

太子也觀其抑黃竑之䟽解阮浪之獄何嘗一
息不為

太子計而要典有獻君鑑有獻惓惓以敦孝友
任舊德為言蓋挽回格心之妙術也昔狄梁
玄潛授五龍夾日以飛韓魏公調和兩軍

古倭為元勲若先生所處視二公難易何如
哉乃有謂

上皇返駕時千戶龔遂榮建議迎禮宜厚

景皇當遜位懇辭而後受命禮部欲以聞先生
恚甚治其罪此其說謬甚遂榮果有是議正
合先生請居南內不便之言當急贊成之而
肯加恚且治其罪耶又有謂

景皇得黃泓易儲䟽覆奏署名吏部王直有難

色先生執筆作半跪強之其說尤可痛恨竝
議發禮部各官議不屬先生何從執筆如果
執筆正合先生無易樹子之言方急為匡正
豈有大廷廣衆中首輔肯作半跪折節於冢
宰耶又有謂景泰間遣徐有貞治張秋決河
有貞懷玉帶一束獻先生曰報玉帶至矣夫
先生以景泰二年進秩少保已一品腰玉而
有貞治河在四年乃以玉帶為豫報有捷傳

耶此皆出於陳建通紀所載建以粵人著通
紀在嘉靖間其地與時相去亦遠奚至生端
誣蔑喪心乃爾無亦徐石輩嗾衆彈劾時捏
辭羅織以蠱衆吻建遂襲為吠聲之譚以讒
成譌以譌成疑即王弇州為當世人倫之鑑
其曰先生功大過小宜謚似得其槩亦未知
先生之過過於慎者也觀過正可以知仁也
今牧合百年文獻盡為剖晰其易名特祠之

典當與于忠肅公謙相儼義夫復何疑夫復
何疑且以俟史局名公秉春秋之筆者有採
焉

後學探討六經雪上老人姚舜牧頓首拜撰

芳洲文集續編目錄

卷之一

代言

東宮謝 賜孝順事實書表

尊聖母皇太后及生母皇太后詔

致書叔祖瀋王

諭兵部出榜文

諭刑部出榜文

二通

勅諭襲封衍聖公孔弘緒

襲封衍聖公孔弘緒誥

詔先賢裔孫為翰林院世五經博士命每歲春

秋二仲祭其先祖頒定告文

御祭山西所在祀典文

封真君江饒薩王四位誥

勅諭水府蕭公英佑侯

御製新建大隆福寺之碑

御製大方廣佛華嚴經序

卷之二

序

送曾僉憲赴福建按察司序

贈考功主事夏君仲昭序

漢濱錢先生輓詩序

送梁同知先生之任徽州府序

送知州李子實之任無為州序

虛庵藁序

送按察僉事樂君象乾赴廣東詩序

樂庵集序

贈尹知縣之任序

送劉縣丞叔豫序

貴州按察僉事郭君輓詩序

送蕭訓導孟震赴當塗序

送羅訓導敬珣序

高安城南楊氏譜序

送富陽知縣袁君致仕序

送尹同知之任徽州府序

悠然齋詩序

送行人劉宗禹奉使琉球國詩序

西天佛子源流錄序

陸氏兄弟八子字序

金書華嚴經序

消災經序

藥師琉璃光如來本願功德經序

贈羅君永安還鄉序

卷之三

記

南昌府重新迎恩館記

杭州府重修儒學記

鹿門書舍記

考功退思軒記

山溪小隱記

兩峯白雲圖記

東郊八景記

融齋記

承恩堂記

筠栖軒記

樂志堂記

恩存堂記

承明堂記

旌義堂記

積善堂記

卷之四

碑銘

贈昭勇將軍錦衣衛親軍指揮使司指揮使吳

公神道碑銘

奉聖夫人呂母墓碣銘

豐城羅懷玉甫墓誌銘

贈嘉議大夫都察院左副都御史寇公暨配太

淑人李氏合葬誌銘

故戶科給事中陳九成墓誌銘

贈刑部主事王公彥誠合葬誌銘

蕭一夔甫墓誌銘

贈奉訓大夫刑部員外郎羅君墓誌銘

五雲王好古墓誌銘

封工部右侍郎王公墓誌銘

劉求錫墓誌銘

故處士曾公墓誌銘

太常少卿王君一居墓誌銘

太淑人江母周氏墓誌銘

龍舛暄墓誌銘

表

李伯昂甫墓表

處士鄧冲虛墓表

故一品夫人俞母黃氏墓表

卷之五

傳

節齋傳

上舍郭彥常先生傳

雜著

引 跋 贊 銘 哀辭

張御史和唐詩引

恭題 仁廟御製詩後

題劉咸進士制策後

題劉士拯進士制策後

書方寸地卷後

書上模曾氏族譜

跋羅氏宗譜

壽星贊

題龍泉蕭僉事父存中像

樂霞士象明贊

蘭所銘

孝友堂銘

獻秀庭銘有序

皆安堂銘有序

恬齋銘有序

翰林脩撰周時簡哀辭有序

卷之六

詩

五言古詩

學古齋為吉水劉敷典學賦

題溫州府同知永思堂卷

三才集
卷之五
皆春堂

丘山風木

任敬祥訥齋

李給事中春壽萱堂

題嚴子陵釣圖

五言律詩

贈貢士復道尹君上春官

贈郭紹容之遼東省親

題竹寄上官知州儀

輓章郎中母二首

驛樓

五言絕句

題栗樹上松鼠二首

題鷹二首

七言古詩

題松贈劉處士叔升

送尹復道任訓導

送徽州府同知尹君自道歌

送無心上人

送曾存忠還泰和

七言律詩

題萬安劉廣泰孝友堂卷

送陳虬赴延安知府

送宋謙侍父以翰林檢討致仕南還

題萬竿烟雨竹送歐陽潘赴四川嘉定訓導

送羅學古之任南海

雙翠堂為順天府學司訓宋觀作

送江御史鉄復職還南京

琴書樓

送同年劉御史鼎貫按治交趾

送人作吉安府陰陽正術

梅雪軒

送左春坊大學士王時彥先生省親
輓桂池處士

送曾僉事鼎復職四川按察

送廖知縣子謨督運自沙漠歸穎上

送杜給事中桓省親東歸

孝子思親

送邵都御史圯赴南京

送郭僉事公緒還貴州分得洞庭湖

送晏鐸任御史

送同年年秉常

送陳宗理御史江西審刑獄

壽南京吏部曹尚書子宜七十

送劉行人諭奉使滿剌加國

送彭卓教授赴揚州

送劉僉事羽翔赴江西按察

寄雲南沐都督

題樓主事日宏友桂軒

題竹林七賢

送範縣丞宣安赴新興

寓懷來叅政吳公見訪不遇賦

送徵江尹同知

題菊

送蕭汝機知事還衡州府無閒本之大叅之信

教授

七言絕句

陳純持枯木竹石求題配東里先生所題墨竹
太學生興國方子宣來舉教官不偶以畫求題
題徐知府敬畫梅為御史驥仲德

題彭存文摺扇

題扇為張咸秀才

題蘭送司訓敬詢

題湯叅將節所藏村田樂園

雪山

題枯木贈鄒橙時

題孤山清興為鹽運呂同知

題蕭士高所藏墨竹

題竹送蕭孟勤編脩展祭還鄉

題黃菊葵

題屈原漁父

題芝蘭荆棘

題望雲書舍送李通判桓圭以進表還常州

題筠川書屋圖為南岡李氏

送魏侍郎驥赴南京吏部

題楊少保江鄉歸趣圖

和濟堂

送陳主事鏞任南京禮部

題陳處士所藏海棠

送僧會永安赴南昌新吳

奉和 聖製天不雨雪慶民吟

送傅玉潤還臨江二絕

送甄士英赴春官二首

題蕭德郁桃源圖

題梅二首為羅進善

詞

玉樓春

竹泉為江陰朱善慶

中園耕樂為吉水周氏

滿庭芳四首

滿庭芳 夏景

西江月

鳳凰閣壽少傅建安楊公

又一首有序

畫錦堂壽少傅楊先生

芳洲文集續編目錄終